

Ze barri?

ESKORIATZA / Eguena / 2005eko irailaren 8a / 221. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

Herritarrek aisialdia antola dezaten, zerbitzu gida banatu dute etxez etxe


IKER BARANDIARAN

Udalak *Eskoriatzako Aisialdiaren Zerbitzu Gida* kaleratu du. Eta liburuxka horretan laburbiltzen da aisialdia antolatzeko herrian dauden ekipamendu, elkarte eta ikastaro eta bestelakoen eskaintza. 2.000 ale kaleratu, eta etxez etxe banatu dituzte asteen.

Eskoriatzako Udaleko Gazteria Sailak, beste hainbat sailekin elkarlanean (Kultura, Prebentzioa eta Euskara), *Eskoriatzako Aisialdiaren Zerbitzu Gida* kaleratu du. Joan den ikasturtean egin zuten lehenengo aldiz, eta asteen 2005-2006 ikasturteari dagokiona banatu dute herriko etxe eta baserri guztietan.

Gida elebiduna da, eta doan banatzen dute. Tamaina txikikoa da, erabilgarria izan dadin. Iaz oso harrera ona izan zuen, eta ekimena errepikatzea erabaki dute.

Udaleko Gazteria Saileko teknikari Mainer Etxanizen esanetan, "helburua da liburuxka horretan batzea herrian dagoen aisialdirako eskaintza guztia". Horren aldeko ahalegina egin dute, eta baita lortu ere. Horrez gain, Udalak kultura eta kirol aisialdirako dituen azpiegituren berri ematen du, baita herrian



Eskoriatzako Aisialdirako Zerbitzu Gida tamaina txikikoa da, erabilgarria izan dadin.

dauden elkarten gainekoa ere. Azpiegitura horien zerbitzuak jasotzeko edota elkarte horiekin harremanetan jartzeko bidea ematen dute horren bitartez.

Informazio hori guztia zazpi ataletan banatuta dago: Musika eta dantza, Kirolak, Eskulanak, Kultura eskaintza, Ekipamenduak, Elkartegintza eta Bestela-

Liburuxka erabilgarri hori udalerriko etxe eta baserri guztietan banatu dute

koak, hain zuzen ere. Horrez gain, zehaztu dute eskaintza bakoitza zein adin-talderi dagokion. Horretarako, hiru multzo bereiztu dituzte: Haurrak, Gazteak eta Helduak.

Ekipamenduan, Ibarraundi museoaren, Udal Bibliotekaren, kiroldegia, pilotalekuaren eta kultura etxearen gaineko oinarritzko informazioa batu dute.

HAINBAT IKASTARO HASTEAN

Gida horren bitartez, besteak beste, herritarrei aditzera ematen diete zein ikastaro egin ditzaketen. Esaterako, Musika eskolan hainbat ikastaro prestatzen dabil-tza. Horietako zenbaitetan esku hartzeko, komeni da irailaren 20a aurretik izena ematea: hain zuzen ere, Musikaren oinarritzko ezagutza, Musika tresnak, Kantu korala eta Euskal dantzak.

Eskulanen alorrean ere hainbat ikastaroren izenematea bukatzeaz dago: Pintura ikastaroa, Oihalean margotzea eta larrua zaharberritzea, Olio pintura, Ehoziriak, makrame eta bainika, eta Eskulanak. Horiek guztiak kultura etxean egingo dituzte.

GAZTEENDAKO

Herriko hainbat elkarte ere lan handia egiten dute, eta nork bere alorra lantzen du. Gazteen esparruari gazte batzarrak eta Udaleko Gazte Sailak heltzen diote. Azken horrek, adibidez, sei ikastaro egingo ditu urtea bukatu aurretik: Hennazko tatuajeak, Malabarismoa, Perkusioa, Funky, Masaje eta Tai Chia. Azken hori hilaren 16an, 17an eta 18an egingo dute. Izena emateko edo informazioa batzeko, jo Gazteria Zerbitzura lehenbailehen (Herriko Plazan dago).

Pozik daude Ibarraundi museoak izan duen bisitari kopuruarekin

I.B.

Udala pozik dago Ibarraundi museoak uztailean eta abuztuan izan duen harrerarekin. Guztira, 220 bat bisitari izan ditu museoak, eta Artemanek Eskoriatzaren gainean egindako DVDA ondo saldu dute.

Oso baikor dira Udaleko Turismo eta Ondare Saileko arduradun Juan Luis Merino eta museoko langile Leire Parra. "Lehenengo aldia

da museoa udan zabaldu duguna, eta poliki-poliki jendea badabil hona gerturatzen", azaldu zigun Leire Parrak.

ESKORIATZAREN JAKIN-MINA

Uztailean eta abuztuan museoan izan diren 220 lagunetatik erdia baino gehiago -120- eskoriatzarrak izan dira. "Hori oso positiboa da. Azken finean, museoa herriarena da eta garrantzitsua da herritarrek interesa erakustea". Are gehiago, bai museoa eta baita

herriaren eta museoaren gaineko DVDA ere oso gustuko izan dute, eta hainbatek erosi dute.

Kanpotarren artean, gehienak bizkaitarrak eta gipuzkoarrak izan dira, baina Katalunia, Madril edota Europako herrialdeetakoak ere etorri dira hainbat lagun.

Aipatutako DVDaz gain, Ibarraundiko logoa daukaten elastikoak, bitxiak eta bestelakoak daude salgai museoan. Are gehiago, ibarreko eta Euskal Herriaren gaineko turismo informazioa ematen dute.



Argazkian, DVDaren aurkezpena, Ibarraundi museoaren inaugurazioan.

TELEFONOJAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Lanialdiak (Arrasate)	943 77 10 43
SOS Deiak	112

OHARRAK

GAZTEENDAKO IKASTAROAK, ASTE BUKAERETAN

Udaleko Gazteria Zerbitzuak bi ikastaro antolatatu ditu, eta iraileko asteburuetan egingo dituzte.

Hilaren 16an, 17an eta 18an, Tai Chi irakatsiko diete 12 eta 16 urte bitartekoei, 17:00etatik 19:00etara.

Hilaren 24an eta 25ean, berriz, malabarismo ikastaroa egingo dute 15 urtetik gorakoendako. 24an, 10:30etik 13:30era; eta 25ean, 17:00etatik 20:00etara. Eman izena lehenbailehen.

Etchez etxeko laguntza egiteko, hiru enpresa

IKER BARANDIARAN

Hiru enpresa aurkeztu dira etchez etxeko laguntza eskaintzeko. Bata, Durangokoa; beste bat, Arrasatekoa; eta hirugarrena, Donostiakoa. Udalaren asmoa da ezinduei edo beharra dutenei etxean edo zainketan laguntzeko enpresa bat kontratatzea. Hasi du prozedura.

HIRU ENPRESA LEHIAN

Aste honetan, astelehenean bukatu da izena emateko epea, eta hiru enpresa aurkeztu dira zerbitzu hori emateko: bata, Durangokoa da; beste bat, Arrasatekoa; eta hirugarrena, berriz, Donostiakoa.

Hortaz, hileko azken eguenean, udaleko osoko bilkuran erabaki beharko dute zein enpresak irabazten duen lehiaketa. Hark emango du zerbitzua.

Udala aspalditik zegoen arduratuta etchez etxeko laguntza zerbitzua hobeto antolatzeko. Horregatik, joan den ikasturtean Gizarte Laguntza Sailean gaia landu zuten. Hala, uztailako azkeneko osoko bilkuran zerbitzua lehiaketa publikora atera, eta zerbitzu hori emateko enpresa bat kontratatzea erabaki zuten.

Hilabeteko azkeneko eguenean, osoko bilkuran erabakiko dute zein enpresa kontratatatu



Musika taldeen CDa egin gura dute

Udaleko Gazteria Sailak CD bat egin gura du, herriko musika taldeen abestiek. Interesatuak Gazteria Zerbitzura jo behar dute izena ematera, irailaren 12a aurretik. Taldeko kideen erdiak eskoriatzarra izan behar du; grabatzeko moduko kantu orijinalen bat izan behar dute; eta 35 urtetik beherakoak izan behar dute. Argazkian, Lukas Prest taldea. /I.B.



Lehenengo osasun etxean, Santa Anan, jarriko dituzte bi zerbitzuak.

Ludoteka eta Bake Epaitegia, Santa Anara

I.B.

Ludoteka eta Bake Epaitegi berria izango dira laster herrian. Biak Santa Ana auzoan jarriko dituzte. Bake Epaitegiko lanak hasita daude dagoeneko. Ludotekakoak, berriz, astelehenean esleitu dituzte. Biak hala biak osasun etxea zegoen etxabeetan jarriko dituzte.

Ludoteka Arana kaleko 13. zenbakian dago, eta han jarraituko du berria egin artean. Arana kaleko etxabea Jose Arana fundazioarena da, eta Udalak gurago du

ludoteka lokal propio baten izatea. Gainera, lokal berria handiagoa izango da. Bestalde, aipatu beharra dago uda aurretik Gasteizko Ludoland enpresak udalekuak eta ludoteka kudeatzeko lehiaketa irabazi zuela. Lanek 48.650 euroko aurrekontua dute eta 2006 hasierarako ludoteka zabalik egotea gura dute. Bi enpresa aurkeztu dira: Gasteizko Aralan eta Eskoriatzako Ramel.

Bake epaitegia ludotekaren ondoan egingo dute, baina dagoeneko lanak hasita daude. Urrian prest egotea gura dute. Udaleko zerbitzuetatik bereiztu eta leku txukunagoan jarriko dute.

LABUR

Ezezagun batzuek kultura etxeko lokaletan apurketak egin zituzten zapatu gauean

Joan den zapatu gauean, ezezagun batzuek kultura etxeko lokaletan -herriko plazan- sartu ziren. Udaltzaingoa aditzera eman duenez, ezezagun horiek Gazteria Bulegoa hankaz gora jarri zuten. Horrez gain, lehenengo solairura igo ziren eta han su-itzalgailuak hustu zituzten, eta guztia hautsez zikindu.

Ez zen egindakoa hor bukatu. Balkoira irten ziren eta handik mahai bat bota zuten lorategira. Horrez gainera, erretiratu elkarteko aulki batzuk errekan agertu dira. Bestalde, badi-rudi ez zutela garrantzizko lapurretarik egin. Udalak salaketa jartzeko asmoa dauka.

LENIZ, C.B. KONPONKETAK

LENIZ
ESKORIATZA

TXAPA, MARGOA eta MEKANIKA

SUZUKI

Aingeru ibiltokia z/g. • Tel.: 943 71 50 61 • Eskoriatza

Villar
Ile apaindegia

Olazar auzoa 9
Tel.: 943 71 50 42
ESKORIATZA

SAION DE BELLEZA
OSASUNA ETA EDERGINTZA
DORLETA
Aranburuzabala 22, behea
ESKORIATZA
Tel.: 943 71 51 20

DEMISTE
bedardenda
Tel.: 943 71 43 27
ESKORIATZA